



Adolygiad Diogelu Unedig Sengl Single Unified Safeguarding Review

Croeso i rifyn nesaf y Bwletin
Adolygiad Diogelu Unedig Sengl.
Diolch i bawb a gynigiodd adborth
a syniadau yn dilyn rhifyn y mis
diwethaf.

Gofynnwn ichi barhau i rannu eich
barn, eich sylwadau a'ch syniadau
fel y gallwn sicrhau bod y Bwletin
mor berthnasol a defnyddiol â
phosibl.

BWLETIN MISOL

MAWRTH 2025

ADUSau a gomisiynwyd

Mae'r Hwb Cydgysylltu wedi
derbyn 4 hysbysiad ADUS y mis
hwn, gan ddod â chyfanswm yr
ADUSau sydd wedi'u comisiynu
ers 1 Hydref i 14.



Newyddion



**Storfa Ddiogelu
Cymru
Wales Safeguarding
Repository**

Ymarfer Plant: 8
Ymarfer Oedolion: 2
Cam-drin Domestig: 3
Ymarfer Oedolion ac yn Ymwneud
â Cham-drin Domestig: 1

Ar hyn o bryd mae tîm Storfa Ddiogelu Cymru wrthi'n profi mynediad o bell i'r
Storfa. Bydd tîm ADUS wedyn yn cynnal ymarfer tebyg cyn rhoi mynediad i bawb
sydd ar y Rhestr Cadeiryddion ac Adolygwyr Cymeradwy trwy restr gwyn IP. Y
nod yw y bydd y cam hwn yn cael ei gwblhau erbyn y digwyddiad lansio ym mis
Mai, lle bydd y tîm yn chwilio am gyfranogwyr ar gyfer astudiaeth a ariennir gan
Brifysgol Caerdydd ar effaith Storfa Ddiogelu Cymru ar y broses ADUS.

Digwyddiad Lledaenu Gwybodaeth ADUS

Bydd y Digwyddiad Lledaenu Gwybodaeth ADUS cyntaf yn cael ei gynnal yn Venue Cymru, Llandudno ar 20 Mai 2025. Bydd siaradwyr yn cynnwys y canlynol:

- Dr Bethan Davies, Cydymaith Ymchwil, Storfa Ddiogelu Cymru, Prifysgol Caerdydd - Gwyliwch Storfa Ddiogelu Cymru ar waith a dysgu sut i ddefnyddio'r adnodd hwn i wella'r ffordd rydych chi'n ysgrifennu argymhellion ADUS.
- Yr Athro Michelle McManus, Cydgyfarwyddwr y Sefydliad ar gyfer Dyfodol Plant, Prifysgol Metropolitan Manceinion - Manteisiwch ar ddysgu allweddol o Adolygiadau Ymarfer Plant / Adolygiadau Ymarfer Oedolion yng Nghymru ar gyfer llunio eich adroddiadau a'ch argymhellion ADUS.
- Dr James Rowlands, Athro Cynorthwyol mewn Cymdeithaseg, Prifysgol Durham - Clywch am brofiadau ac ymchwil James o ran cyfranogiad cyflawnwyr a'u teuluoedd mewn Adolygiadau o Farwolaethau sy'n Gysylltiedig â Cham-drin Domestig, risgiau a manteision y math hwn o ymgysylltu, yn ogystal â dulliau ar gyfer gwneud hynny.

Mae gwahoddiadau i'r digwyddiad wedi'u hanfon at weithwyr proffesiynol sy'n ymwneud ag adolygiadau ledled Cymru.

Hoffem glywed gennych chi!

Rhannwch unrhyw arferion da a nodwyd yn rhan o ADUS â Hwb Cydgysylltu ADUS drwy anfon e-bost i ADUSCymru@llyw.cymru

Hyfforddiant

Bydd dwy sesiwn hyfforddi Adolygwyr a Chadeiryddion cenedlaethol arall yn cael eu cyflwyno yn ystod y misoedd nesaf. Yn ogystal, bydd dwy sesiwn hyfforddi aelodau'r panel yn cael eu cyflwyno ym mhob rhanbarth. Yng Ngogledd Cymru, mae hyfforddiant pellach wedi'i gynllunio ar gyfer diwedd mis Mehefin.

Rhwydwaith Cymorth yr Adolygwyr a'r Cadeiryddion

Cynhaliwyd sesiwn gyntaf y Rhwydwaith Cymorth ar 27 Mawrth gyda dros 70 o bobl yn bresennol. Roedd adborth o'r sesiwn yn gadarnhaol. Diolch yn fawr i'n panel o Adolygwyr a Chadeiryddion profiadol am rannu eu profiadau a'r hyn a ddysgwyd. Mae sesiynau pellach wedi'u cynllunio ar gyfer 3

Gorffennaf, 23 Medi ac 11 Rhagfyr.

Bydd y sesiynau hyn yn canolbwyntio ar drin y wasg a'r cyfryngau, ysgrifennu argymhellion a hwyluso digwyddiadau dysgu.